

Zijad Jagodić

1. Inicijativa upućena Vijeću ministara BiH, Ministarstvu komunikacija i prometa BiH i Ministarstvu saobraćaja i veza Republike Srpske – „S obzirom na nepodnošljivo stanje magistralnog puta E762, u pravcu Republike Crne Gore (Brod – Šćepan-Polje), na dijelu Republike Srpske, tražim da se što prije pristupi iznalaženju rješenja kako bi se ta dionica propisno rekonstruirala i stavila u normalan dvosmjerni saobraćaj, što bi značajno unaprijedilo socijalnu i demografsku sliku tog područja, kao i povoljniju komunikaciju i odnose Bosne i Hercegovine s Republikom Crnom Gorom.“
2. Pitanje postavljeno Vijeću ministara BiH – „S obzirom da se ne vrši ocjena usklađenosti kako za domaće tako ni za uvezene proizvode prije njihovog plasiranja na tržište, postavljam pitanje Vijeću ministara BiH: Šta je i dokle se došlo sa Zakonom o tehničkim zahtjevima za proizvode i ocjenjivanje usklađenosti, te Zakonom o akreditaciji?“
3. Pitanja postavljena Ministarstvu vanjske trgovine i ekonomskih odnosa BiH i Vladi Federacije BiH:
 1. „Kako i na koji način se namjeravaju osigurati odgovarajuće količine merkantilne pšenice za potrebe FBiH, imajući u vidu da Ministarstvo poljoprivrede u Banjoj Luci ovih dana to namjerava riješiti kupovinom iz Rumunije?
 2. Koje količine pšenice se namjeravaju otkupiti od poljoprivrednika iz FBiH i RS-a?
 3. Ako već imamo pravo i mogućnost izvoza svježe ribe na tržište EU, šta na tom polju činiti da se to i dogodi?“
4. Inicijativa upućena Vijeću ministara BiH – „U skladu s članom 8. Poslovnika Predstavničkog doma PSBiH pokrećem inicijativu za provođenje na području oba entiteta, kao i Brčko Distrikta, za smanjenje važećih taksi za komunalne priključke (vodu, struju, telefon, urbanističku saglasnost i građevinsku dozvolu, a za 50% od trenutno važećih cijena).“